



Sarajevo, 12. 10. 2020.

Poštovani bruceši i studenti,

Na početku školske 2020/2021. godine želimo vas obavijestiti i podsjetiti o slijedećem:

- **Način održavanja nastave**

Nastava za studente Ekonomskog fakulteta u zimskom semestru akademske 2020/2021. godine će se izvoditi po sistemu koji kombinuje BigBlueButton (BBB) sesije (live sesije putem virtuelne učionice) i “online” oblik izvođenja nastave uz korištenje online materijala sa standardnog Moodle courseware-a. Raspored izvođenja nastave po sedmicama dat je u tabeli u nastavku. Način održavanje nastave se može izmijeniti zavisno od epidemiološke situacije i uputa nadležnih.

### Raspored izvođenja nastave po sedmicama

Sedmica	Datum	I CIKLUS STUDIJA				II CIKLUS STUDIJA	
		Redovi studij (1. godina)	Redovni studij (2. i 3. godina)	DL studij (1. godina)	DL studij (2. i 3. godina)	1. godina	2. godina
1.	12. 10. – 18. 10. 2020.	BBB live sesije		BBB live sesije			
2.	19. 10. - 25. 10. 2020.	BBB live sesije	BBB live sesije	Online	BBB live sesije		BBB live sesije
3.	26. 10. – 01. 11. 2020.	BBB live sesije	BBB live sesije	Online*	Online	BBB live sesije	BBB live sesije
4.	02. 11. – 08. 11. 2020.	Online	Online	Online	Online*	BBB live sesije	BBB live sesije
5.	09. 11. – 15. 11. 2020.	BBB live sesije	BBB live sesije	BBB live sesije	BBB live sesije*	Online	Online
6.	16. 11. – 22. 11. 2020.	Online	BBB live sesije*	Online	Online	BBB live sesije	BBB live sesije
7.	23. 11. – 29. 11. 2020.	BBB live sesije	BBB live sesije	Online*	Online*	BBB live sesije	BBB live sesije
8.	30. 11. – 06. 12. 2020.	BBB live sesije: Assignment week	BBB live sesije: Assignment week	BBB live sesije: Assignment week	BBB live sesije: Assignment week	Online	Online

9.	07. 12. – 13. 12. 2020.	BBB live sesije	BBB live sesije	Online	Online	BBB live sesije	BBB live sesije
10.	14. 12. – 20. 12. 2020.	BBB live sesije*	BBB live sesije*	BBB live sesije*	BBB live sesije*	Online	Online
11.	21. 12. – 27. 12. 2020.	Online	Online	Online	Online	BBB live sesije	BBB live sesije
12.	28. 12. – 03. 01. 2020.	BBB live sesije	BBB live sesije	Online*	Online*	BBB live sesije	
13.	04. 01. – 10. 01. 2020.	Online	Online	Online	Online		
14.	11. 01. – 17. 01. 2020.	BBB live sesije	BBB live sesije	BBB live sesije	BBB live sesije		

Objasnenje:

- **BBB live sesija:** u navedenim sedmicama nastava se izvodi putem live sesija u virtualnoj uionici (BigBlueButton - BBB).
- **Online:** u navedenim sedmicama na Courseware-u predmeta se objavljuje materijal za predavanja/vjezbe na osnovu kojeg studenti samostalno pripremaju nastavnu temu.
- **BBB\* live sesije** – u navedenim sedmicama se organizuje nadoknadu online sedmica (na Courseware-u predmeta se objavljuje materijal za predavanja/vjezbe na osnovu kojeg studenti samostalno pripremaju nastavnu temu).
- **Online\*:** u navedenim sedmicama na DL studiju objavljuje se snimljeno predavanje i organizuje 20 minuta live konsultacija u terminu predavanja/vjezbi.
- **BBB live sesije - Assignment week:** u navedenoj sedmici organizuje se parcijalni/midterm test.

#### • Pristup na nastavi

Studenti Ekonomskog fakulteta u Sarajevu u statusu redovan, redovan samofinansirajući i DL studenti na prvom i drugom ciklusu studija obavezni su prisustvovati svim oblicima nastave minimalno 80% od ukupnog fonda sati po predmetu. U prisustvo studenata ulazi i nastava koja se odvija u sedmicama kada je predviđena online nastava prema rasporedu nastave. Evidencija prisustva nastavi u školskoj 2020/2021. će se vršiti primjenom BBB sesija u online režimu odvijanja nastave odnosno primjenom elektronskih kartica u in class sistemu odvijanja nastave. Način održavanje nastave (online ili in class) se određuje zavisno od epidemiološke situacije i uputa nadležnih. Za praćenje prisustva studenata zaduženi su predmetni nastavnici/saradnici.

Student može, u opravdanim slučajevima kao što su bolest, specifični događaji u porodici, učešće u značajnim studentskim aktivnostima i takmičenjima i radu tijela i organa Univerziteta/Fakulteta i drugim izuzetnim okolnostima, odsustvovati sa nastave i u procentu većem od 20%, za šta je obavezan pribaviti valjan dokaz, s tim da ukupno prisustvo na nastavi iznosi minimalno 60%.

Odluku o pravdanju odsustva u slučajevima i pod navedenim uvjetima, donosi Dekanesa na prijedlog Prodekana za nastavu i međunarodnu saradnju samo ukoliko je to moguće, uzimajući u obzir strukturu i obim studijskog programa Fakulteta. Molbe za prisustvo na nastavi se predaju nakon završetka semestra.

Prisustvo na nastavi je uvjet za ovjeru urednog pohađanja nastave, ovjeru semestra i prijavu i polaganje ispita.

- **Prenos položenih aktivnosti u narednu školsku godinu**

Student koji u toku studijske godine izvrši sve obaveze izuzev položenog završnog ispita nije obavezan ponovo prisustvovati nastavi iz tog nastavnog predmeta u godini koju obnavlja.

Studentu koji obnavlja godinu studija odnosno koji je prenio ispit u narednu studijsku godinu priznaju se ostvareni poeni i uredno izvršene obaveze i to u trajanju jedne studijske godine.

- **Apsolventski staž**

Student koji je u posljednoj akademskoj godini odslušao sve predmete zadržava status studenta (apsolventski staž) i ima pravo polagati nepoložene ispite u svim ispitnim rokovima u toku studijske godine. Ukoliko student ne položi nepoložene ispite za vrijeme trajanja apsolventskog staža (u trajanju od jedne akademske godine) dužan je obnoviti studijsku godinu.

Za vrijeme trajanja apsolventskog staža studentu se priznaju ostvareni poeni i uredno izvršene obaveze iz prethodne akademske godine.

- **Ponašanje studenata na ispitu**

Za vrijeme polaganja pismenog ispita nije dozvoljeno:

- prepisivanje, razgovaranje ili korištenje pomoći od strane trećih osoba,
- imati uključen mobitel ili ikakav drugi audio ili vizuelni nosač/prijenosnik informacija o postavljenom pitanju, osim ako priroda ispitnog zadatka ne zahtijeva ili dozvoljava upotrebu digitalne tehnologije,
- nepravovremeno predavanje testa nakon što je nastavnik dao znak da je vrijeme za pisanje testa završilo,
- nepravovaljano predavanje testa nakon što je nastavnik dao znak da je vrijeme za pisanje testa isteklo,
- bilo kakvo korištenje literature o postavljenom pitanju, izuzev ako silabusom nastavnog predmeta nije predviđeno korištenje iste tokom pisanog ispita (open book examination).

U svim navedenim slučajevima kršenja pravila ponašanja ispit se vrednuje sa 0 poena, te povlači disciplinsku odgovornost studenta u skladu sa članom 173. Statuta.

Uprava Ekonomskog fakulteta želi vam puno uspjeha u akademskoj 2020/21. godini!

Srdačan pozdrav,

Prof. dr Eldin Mehić, Prodekan za nastavu